



Concello de
SOUTOMAIOR
PONTEVEDRA

CONVENIO DE COOPERACIÓN ENTRE O CONCELLO DE SOUTOMAIOR E O CLUB BALONCESTO DE ARCADE - CIF: G-36101277

En Soutomaior a 1 de Xullo de 2021

REUNIDOS

Dunha parte **D. Agustín Reguera Ocampo**, con DNI núm. 36057006-K, actuando en nome e representación **do Concello de Soutomaior**, na súa calidade de Alcalde, en virtude das facultades representativas que lle atribúe a Lei 7/1985 de 2 de abril, Reguladora das Bases do Réxime Local e a Lei 5/1997, do 22 de xullo, de Administración Local de Galicia

De outra parte, **D. Alfonso Pazos Martínez**, con DNI núm. 35870149Q na súa calidade de Presidente **do Club Baloncesto de Arcade** (o cal acredita mediante certificación da Secretaría do Club)

Actúan ambos coa representación que legal e regulamentariamente teñen concedida, recoñecéndose reciprocamente os asinantes do presente documento plena capacidade para á firma do presente **CONVENIO** e para o efecto

EXPOÑEN

PRIMEIRO.- Que o Concello de Soutomaior ten como unha das súas competencias as actividades e instalacións culturais e deportivas, a ocupación do tempo de lecer e o turismo, de acordo co previsto no artigo 80.2 n) da Lei 5/1997, de 22 de xullo, de Administración Local de Galicia.

SEGUNDO.- Que nas Bases do Orzamento municipal do ano **2021**, establécense as subvencións nominativas, e entre elas figura a concedida ó Club Baloncesto de Arcade para mantemento e promoción de actividades nunha cuantía de **1.500** Euros, con cargo á partida 340.480.

TERCEIRO.- Que o Club Baloncesto de Arcade ten dentro dos seus fins principais os seguintes:

Promover o deporte a nivel xeral dentro das normas da súa Federación Deportiva, sobre todo o que se atén ó deporte base.





Concello de
SOUTOMAIOR
PONTEVEDRA

CUARTO.-

A) Que consta no Rexistro de Asociacións do Concello de Soutomaior a seguinte documentación:

- CIF e estatutos da entidade.
- NIF da representación legal
- Certificado de conta bancaria

Aporta certificación da Secretaría de que ditos datos non sufriron modificación.

B) Que aporta neste acto certificación da Secretaría da entidade de non estar incurso en causas de incompatibilidade ou incapacidade para contratar e percibir subvencións ou axudas da Administración Pública.

Polo anterior, ámbalas dúas partes asinantes acordan outorga-lo presente convenio de colaboración en base ás seguintes

CLÁUSULAS


PRIMEIRA.- O obxecto do presente Convenio é regula-la colaboración entre o Concello de Soutomaior e o Club Baloncesto de Arcade e deste xeito fomenta-lo deporte de acordo coas competencias propias do Concello e os fins que caracterizan ó Club Baloncesto de Arcade.

SEGUNDA.- O Club Baloncesto de Arcade comprométese a:

1) Participar e organizar de maneira gratuíta no Trofeo Concello de Soutomaior da súa modalidade deportiva (previo acordo das datas da súa realización) ou ben colaborar nas actividades deportivas que se promovan dende a Concellalía de Deportes.

2) Na publicidade das súas actividades farase constar que "colabora Concello de Soutomaior", e no seu uniforme oficial figurará o escudo do Concello indicando "Concello de Soutomaior"

3) Someterse as actuacións de comprobación que respecto a xestión dos fondos outorgados poda facer o Concello, así como calquera outras de comprobación e control financeiro que podan realizar os órganos de control competentes, tanto nacionais como comunitarios, aportando tanta información sexa requerida no exercicio das súas actuacións.





Concello de
SOUTOMAIOR
PONTEVEDRA

TERCEIRA.- O Concello de Soutomaior se compromete a colaborar no mantemento e promoción de actividades do Club Baloncesto de Arcade cunha subvención de **1.500 €uros na temporada 2020-2021** con cargo á partida 340.480 do Orzamento municipal. O libramento da axuda efectuarase previa xustificación do investimento realizado debendo presentar os seguintes documentos:

- Declaración da Presidencia do Club das actividades realizadas ou a realizar **na temporada 2020-2021**.
- Facturas orixinais (fotocopias debidamente compulsadas) ou certificados de pago relacionados coa promoción e mantemento do Club, ou coa actividade realizada no seu caso.
- Acreditación do gasto realizado, e dicir, que foi efectivamente pagado podendo acreditarse mediante copia da transferencia bancaria efectuada , recibo de pago da entidade que emite a factura ou que nas facturas conste: pagado,selo,sinatura con nome e apelidos e o número do DNI do asinante.
- Declaración Xurada de estar ó corrente no cumprimento das obrigas tributarias (có o Concello, O.R.A.L., Facenda do Estado, Facenda da Xunta e fronte á Seguridade Social).
- Certificado das subvencións ou axudas concedidas ou recibidas doutras Administracións Públicas ou Entidades Privadas para o mesmo fin ou pola contra de non haber recibido nin solicitado ningunha subvención pública ou privada para o mesmo fin.

O **prazo de xustificación rematará o día 30 de Novembro** do ano en curso, salvo aquelas actividades que se realizan no último trimestre do ano, neste caso poderán ser xustificadas antes do 31 de xaneiro do ano seguinte. De non xustificarse antes de ditas datas perderase o dereito a esixila.

Á vista da documentación xustificativa presentada, o Sr. Alcalde estimará o cumprimento das actividades subvencionadas, e procederá , no seu caso ó recoñecemento e pago da mesma.

O aboamento da subvención ou axuda farase efectivo por medio de ingreso na conta bancaria da entidade financeira que conste no Rexistro de Asociacións do concello sinalada pola entidade beneficiaria na documentación achegada.





**Concello de
SOUTOMAIOR
PONTEVEDRA**

CUARTA.- O Club beneficiario queda sometida á responsabilidade e ó réxime sancionador establecido no artigo 40 da Lei 39/88, de 28 de decembro, reguladora das Facendas Locais así como no Título IV da Lei 38/2003, de 17 de novembro, Xeral de Subvencións

QUINTA.- Para o cumprimento do presente convenio créase unha Comisión Mixta de Seguimento, formada polo Concelleiro de Deportes do Concello de Soutomaior e a Presidencia do Club Baloncesto de Arcade.

Dita Comisión será a encargada do seguimento, interpretación e control do convenio, así como, de se-lo caso, arbitra-los mecanismos de solución de controversias e de denuncia do convenio por algunha das partes.

SEXTA.- O presente convenio ten natureza administrativa, rexéndose, os seus efectos, polo disposto nas cláusulas do mesmo e, no seu defecto, pola Lei 38/2003 de 17 de novembro, Xeral de Subvencións. Será competente para entender nos litixios que puideran xurdir a Xurisdicción Contencioso-Administrativa.

SÉPTIMA.- O incumprimento de calquera das cláusulas do Convenio constituirá causa suficiente de rescisión deste.

OCTAVA .-. A vixencia do presente Convenio será dende o día da súa sinatura ata o 31 de decembro de 2021.

O presente Convenio obriga ó cumprimento do expresamente pactado, someténdose ámbalas dúas partes ó acordado en tódalas estipulacións.

En proba de conformidade asinan o presente Convenio , que se estende por duplicado, no lugar e data anteriormente indicada.

O ALCALDE



A PRESIDENCIA DO CLUB